

1224 Emsbüren.

[14

Austausch eines dem Kloster Wietmarschen gehörenden Erbes zu Wische gegen ein anderes zu Mattenheim (alte Bschft. in Kspl. Emsbüren).

In nomine sancte et individue Trinitatis. Quoniam hominum memoria fragilis est et rerum turbini non sufficit, quoniam etiam generatio preterit et generatio advenit, ea, que apud homines contrahuntur, nonnunquam veniunt in oblivionem et per maliciam eorum, qui libenter alios circumveniunt, deducuntur in questionem, contra quem morbum litterarum provide statutum est remedium, ut per litteras memoria repetatur et malignantium cavillationibus occurratur. Omnibus igitur huius pagine litteras legentibus vel etiam audientibus notum sit, quod ecclesia beate Virginis in Rothe domum quandam in Wische sitam pro domo quadam, que sita est in Mathnem, quam quidam Henricus cognomento Conpan in feodo habuit a comite Ottone de Tekeneburgh, consentiente et annuente eodem comite cum omni utilitate et attinentiis transtulit et commutavit consentientibus ipsius Henrici heredibus. Solvit etiam ipsa domus quinque maltha siliginis secundum mensuram curtis in Linge. Ut autem id fieret, date sunt eidem Henrico viii marce Monasteriensis monete. Actum hoc publice in cimiterio Buren, presente tota parrochia. Sciant etiam presentes et posteri, quod quidam Meinzo cognomento Ruse, qui eandem domum coluit, libere et absolute in manus Henrici prioris resignavit, consentiente patre suo et fratribus, uxore et filiis, presente villico Timmone et tota parrochia. Ad huius rei testimonium confirmandum hoc manuscriptum sigilli sui impressione confirmavit dominus Otto comes Tekeneburgensis. Actum anno incarnationis dominice millesimo ducentesimo vicesimo iii. Testes huius confirmationis sunt Gozwinus notarius comitis de Tekeneburgh, Wilhelmus sacerdos de Saltesberg, Rulandus sacerdos de Buren et Bertoldus cappellanus eius, Johannes monachus sacerdos; Bernardus dapifer comitis de Tekeneburgh, Godescalcus iunior advocatus ecclesie, Cunradus de Bruchterbeke, Teodericus de Horne, Bernardus de Bramhorne, insuper tota parrochia in Buren.

Orig. Siegel ab. Mühschrift: 1. des 15. Jhdts.: To Buren; 2. des 16. Jhdts.: Wadenheim to Buren. IX. Kap. I. 30. Fast dieselbe Strenga in Urk. 12.

Kreis
Steinfurt

S 253

255